

嘉業堂
金石叢書

希古樓金石萃編

第四冊

古今圖書集成

卷一百一十五

希古樓金石萃編卷九

吳興劉承幹撰

石

晉皇帝三臨辟雍皇太子再蒞盛德頌

隸書額大晉龍興皇帝三臨辟雍皇太子又再蒞
之盛德隆熙之頌凡二十三字在洛陽石高八尺
四寸廣三尺二寸

曰昔在先代肇開文教殊風至化發跡乎黃唐備物致
用具體於三代厯自列辟廢興存亡已降于秦漢雖開
國立統而皇道不融帝典闕而未備王綱有所不張系

世彌久有由未矣至于大晉龍興當魏氏多難而天命未壹豪桀虎爭三方分崩寔賴

宣皇帝櫛風沐雨經營寓內是時正朔未加于華陽王教不被于江表西嶠抃擣揚越內侵戎車屢駕抑有不暇雖誕敷神武光被四海流風邁化惠懷梨元而未遑治之之制儒道不得並時而施至于

文皇帝方寇負固猶未率職

左提右挈雲劉邊垂乃振威域外盪之梁益西戎既殄遂眷東顧文告江裔爲百姓請命南蠻順軌革面款墀

九服混同聲教無賢彭漢肅慎織皮卡服之夷楛矢石
磐齒革大龜之獻莫不和會王庭屈膝納贄戎夏既泰
九域無事曰儒術久替古典未隆乃興道教曰熙帝載
廓開大學廣延羣生天下鱗萃遠方慕訓東越于海西
及流沙並時集至萬有餘人暨 聖上踐祚崇光前

軌闡五帝之絕業邁三代之弘風敦禮明化曰庠序為
先乃遣相國長史東萊侯史光主簿東萊劉毅奉詔詣
學廵博士會學生諮詢讜言又下丙辰詔書興行古禮
備其器服大常樂安亭侯琅邪諸葛緒博士祭酒騎都
尉濟南劉熹博士京兆段溥攷合儀制述造絳歌泰始

三年十月始行鄉飲酒鄉射禮馬鄭王三家之義並時而施然後疊樽列于公堂俎豆陳于庭階鄉縣之樂設百拜之儀陳縉紳之士始覩揖讓之節金石之音六年正月熹溥等又奉行大射禮乃抗大侯設泮縣用肆夏歌騶虞邦君之制於是而顯其年十月行鄉飲酒禮

皇帝躬臨幸之正法服負黼屨廼王公卿士博士助教治禮掌故弟子門人咸在列位莫不被文相德祇服憲度穆穆焉濟濟焉搶搶焉禮行樂奏詔曰羣生勤學務禮遵脩舊典朕甚嘉之遂珽賞大燕上下咸周三家之禮庭肆終日既而錫寺卿丞博士治禮學生下至

樂工束帛幘巾各有等差厚施豐備人知所勸宇內承
風莫不景慕于時方國貢使及報塞入獻之戎倍于海
外者蓋以萬數若夫耆老嘔歎于白里士女抃舞於郊
吟歌詠升平之謠咨嗟大同之慶帑濩流行充塞四嶠飛
英聲騰茂寔足以盈天地而冒六合矣咸寧三年太常
脩陽子平原劉寔命博士京兆段暢漁陽崔豹講肄大
禮冬十一月行鄉飲酒禮四年二月行大射禮于辟雍

皇太子聖德光茂敦悅墳素斟酌道德之
原揆蹟仁義之藪游心遠覽研精好古務崇國典以協

時維乃與太保侍中太尉魯公充太傅侍中司空齊王
攸儋事給事中光祿太夫闕內侯玼及百辟卿士同升
辟雍親臨禮樂降儲尊之貴敦齒讓之制晷咨軌憲敷
納話言堂列不臣之客庭延帑衣之賓緝柔學徒接引
眾心溫溫其仁翼翼其恭故夫洪烈之美可述而不可
及規模之格可行而不可階是以髦士駿奔華夏嚮臻
緝熙聖緒光融至化儀形萬國佗孚四方盛德大業於
斯為美於是學徒沐浴純澤承風感化伏膺詠歎不知
手之舞之乃相與言曰蓋享帝王之位者必有則天之
象成厚載之功者必建不朽之業是曰順應交泰莫崇

乎三皇開物興務罔隆於五帝前聖之所歸美永守鴻
名常爲稱首唯斯而已然品物咸享以廣被爲貴天下
化成以同風爲大光于前人可得薦述者鮮矣觀今變
通之苻典模之則順天承運肇造區域則虞夏之烈也
建皇極之中恢配天之範則義農之略也蹈威邁德樹
之風聲則湯武之軌也闡化本垂道細則宣尼之教也
兼六代之美跡苞七聖之遐踪巍巍蕩蕩大晉其是也
曰在昔先葉德化可述儀形可象皆發之于雅頌播之
于金石故使風流長存輝光不隧且古詩之興采遊僮
之歌收牧豎之謠今遇不世之運被覆燾之施豈無風

人之作奚斯之志哉於是禮生守坊寄學散生乃共刊石讚述洪美遂作頌曰

悠悠皇義承天作帝幽讚神明觀象天地三墳五典八索九丘發原在昔邁茲清流大道凌遲質文推移樸散爲器醇澆爲離降還三代世薦軌儀郁郁之美莫尙於斯六國並橫禮樂消亡秦然其緒漢末之詳鑠哉皇代時惟大晉龍飛革命天應人順敷演彝倫亮采賢儔神化罔極風翔雨潤明明大子玄覽惟聰遊心六藝再臨辟雍光光翠華駉駉六龍百辟雲集卿士率從儒林在位爰暨生童升降有序行過乎恭祗奉聖敬曠若發蒙

玄冥司節饗飲嘉賓大射之儀講于元春執弓鷹揚百
拜逡巡金石迭奏兩禮並陳容服猗猗宴笑斌斌德感
庶類洪恩豐沛東漸西被邦南式賴遂作頌聲永垂萬
世

咸寧四年十月廿日立

碑陰

第一列

大常脩陽子平原劉寔子直

散騎常侍博士祭酒潁川庾純謀甫

散騎常侍博士甄城公譙國曹志允恭

大常丞陽正男譙國蔣林永元

高功博士中山張靖彦貞

典行鄭大射禮博士京兆段暢元弘

典行王鄉飲酒禮博士漁陽崔豹正確

博士東郡周暘彦春

博士新興秦秀元良

博士京兆杜琬文琰

博士東莞孫毓休朗

博士梁國項裴建政

博士京兆韋承元舉

博士平原宋昌茂初

博士陳國謝衡德平

第二列

助教中郎夏□□□□□

治禮議郎魯國孔胤宗羽

治禮議郎太原□會忠宣

治禮議郎河南陳巖敞平

治禮郎中濟北戴瓘公孝

治禮中郎勃海王誕承宗

治禮舍人趙國耿陵煒發

治禮軍謀掾樂安孫優泰元

治禮軍謀掾東海戴珍璋琦

大學吏舍人齊國徐龍伯庸

大學吏軍謀陳笛帥囿邵甯

都講汝南南馱泰賓

主事樂平段干琰伯

禮生平原邴悝梁緒

禮生東萊王遵宗甫

禮生燕國鮮于造長元

禮生泰山劉昇休龍

禮生安平張智承謀

禮生平原徐豐茂元

禮生魚陽王如顯元

禮生安平王蹈景琳

禮生河間劉振君初

禮生高平傅宣元宗

禮生樂安樂式泰儀

禮生陳留口睢少先

禮生趙郡口超士雋

禮生安平王口宏道

禮生平原言輔宣世

禮生安樂孫汰初摧

禮生陳國陳博政平

禮生安平李軼泰宗

禮生鉅鹿董膺季龍

禮生高平代綽處仲

禮生江夏王甫季和

禮生樂安董閔泰機

禮生義陽韓儉彥恭

禮生高平李始長蘭

禮生中山孫潛仲龍

禮生廣平趙整文脩

禮生范陽酈夏口仁

禮生陽平毛北林甫

禮生平原王言道元

禮生潁上吳霄道明

第三列

禮生北口公沙濡陳寶

禮生安平張根季木

禮生平原張範陽元